



Broj: 01/2-04-3122-3 /2025
Breza, 29.01.2025. godine

Na osnovu člana 69. stav (2) tačka d) i člana 70. stav (1) (4) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javne nabavke (02/1-2-14-3621-10/2024 od 24.01.2025. godine) u postupku javne nabavke roba: „Provedba mjera energetske efikasnosti na objektu Doma kulture Breza - Nabavka i ugradnja kotla na pelet i sanacija sistema grijanja u objektu“, Općinski načelnik, d o n o s i

ODLUKU
O PONIŠTENJU POSTUPKA JAVNE NABAVKE ROBA
„Provedba mjera energetske efikasnosti na objektu Doma kulture Breza -
Nabavka i ugradnja kotla na pelet i sanacija sistema grijanja u objektu“

Član 1.

Poništava se postupak javne nabavke roba: Provedba mjera energetske efikasnosti na objektu Doma kulture Breza – „Nabavka i ugradnja kotla na pelet i sanacija sistema grijanja u objektu“, iz razloga što nijedna od primljenih ponuda nije prihvatljiva – član 69. stav 2. tačka d) Zakona o javnim nabavkama („Službeni glasnik BiH“, broj 39/14, 59/22 i 50/24).

Član 2.

Ova Odluka objavit će se na web-stranici Općine Breza, www.breza.gov.ba, u skladu sa članom 70. stav (6) Zakona o javnim nabavkama.

Član 3.

Postupak poništavanja nabavke provešće se u skladu s odredbama Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-3621/2024 od 26.12.2024. godine i Odlukom o pokretanju postupka javne nabavke broj: 01/2-04-3122-1/2024 od 04.11.2024. godine.

Javna nabavka je provedena putem postupka otvorenog zahtjeva za dostavu ponuda.

Procijenjena vrijednost javne nabavke roba: Provedba mjera energetske efikasnosti na objektu Doma kulture Breza – „Nabavka i ugradnja kotla na pelet i sanacija sistema grijanja u objektu“, bez PDV-a iznosi 73.120,00 KM.

Obavještenje o nabavci broj: 726-1-1-59-3-64/24 objavljeno je na Portalu javnih nabavki dana 30.12.2024. godine i u „Službenom glasniku BiH“ broj: 1/25 od 10.01.2025. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 14 (četrnaest) ponuđača.

Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem (broj:01/2-04-3122-2/2024 od 15.01.2025. godine).

Komisija za javne nabavke dostavila je dana 24.01.2025. godine, Zapisnik o poništenju postupka javne nabavke roba, broj: 02/1-2-14-3621-9/2024 i Preporuku o poništenju postupka javne nabavke roba, broj: 02/1-2-14-3621-10/2024.

U postupku po izvještaju o radu je utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri)
- da su blagovremeno zaprimljene 3 (tri) ponude
- da nije bilo neblagovremeno zaprimljenih ponuda
 - Ponuda ponuđača "TOPLOTA" D.O.O. ZENICA je označena kao nepravilna u predmetnom postupku iz sljedećih razloga:
Ponuđač je dostavio obrazac izjave o dostavi bankovne garancije za uredno izvršenje Ugovora sačinjen i popunjen u skladu sa šemom koja je data u Aneksu 9 tenderske dokumentacije, potpisan, ali isti nije ovjeren od strane ponuđača.
 - Ponuda ponuđača „GLOBAL LOGISTIC“ D.O.O. BANJA LUKA je označena kao neprihvatljiva u predmetnom postupku iz sljedećih razloga:
Ponuđač je dostavio tehničku specifikaciju za kotao na pelet, ali nije dostavio tehničku specifikaciju za buffer koja je također predmet isporuke i ugradnje, a što je navedeno u tenderskoj dokumentaciji u dijelu 13.Tehnička i profesionalna sposobnost - član 49. Zakona o javnim nabavkama i u dijelu 14.1 OBAVEZAN SADRŽAJ PONUDE, tačka 11., što je ponuđač bio dužan dostaviti na način kako je propisano tenderskom dokumentacijom.
 - Ponuda ponuđača „VIZIJA“ D.O.O. VISOKO je označena kao neprihvatljiva u predmetnom postupku iz sljedećih razloga:
Ponuđač je dostavio tehničku specifikaciju za kotao na pelet, ali nije dostavio tehničku specifikaciju za buffer koja je također predmet isporuke i ugradnje, a što je navedeno u tenderskoj dokumentaciji u dijelu 13.Tehnička i profesionalna sposobnost - član 49. Zakona o javnim nabavkama i u dijelu 14.1 OBAVEZAN SADRŽAJ PONUDE, u tački 11. , a što je ponuđač bio dužan dostaviti na način kako je propisano tenderskom dokumentacijom.

U postupku po Zapisniku o poništenju postupka javne nabavke za „Provedba mjera energetske efikasnosti na objektu Doma kulture Breza - Nabavka i ugradnja kotla na pelet i sanacija sistema grijanja u objektu“, je utvrđeno da je Komisija za javnu nabavku blagovremeno i pravilno izvršila postupak ocjene kvalifikovanosti ponuda, o čemu je sačinila odgovarajuće zapisnike.

Nadalje, u postupku ocjene provedenog postupka, Općinski načelnik nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da su primljene ponude nepravilne i neprihvatljive (u skladu sa članom 2. Zakona o javnim nabavkama), čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka d) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Predlagač: Služba za privredu, Salih Hasanspahić

Obrađivač: Jasmina Došlić

DOSTAVLJENO:

1 x „TOPLOTA“ D.O.O. ZENICA
1 x „GLOBAL LOGISTIC“ D.O.O. BANJA LUKA
1 x „VIZIJA“ D.O.O. VISOKO
1 x Služba za privredu
1x Služba za finansije, inspekcijske poslove
i opću upravu
1x web stranica
1x Evidencija
1 x a/a

OPĆINSKI NAČELNIK

Vedad Jusić